




Ata e Prins di Carnaval Ernesto Bareño (na drechi) huntu cu su Pancho Edwin Angela (na robez) den Club La Fama Diasabra marduga.

La Fama Club a produci e Prins Carnaval di e anja aki

Ernesto Bareño y su pancho Edwin Angela lo dirigi carnaval

ORANJESTAD — Un Strand Hotel de bote en bote Diasabra p.p. a baila cu di „Los Duques” riba di e anochi di eligimento di Prins Carnaval pa e anja aki den Strand Hotel durante di e grandioso baile di Juventud Cristiaan. E resultado tabata un anochi dibertido di cual e punto principal tabata eligimento di Prins Carnaval pa e anja aki. Ernesto Bareño di La Fama Club y su Pancho Edwin Angela a sali eligi como Prins Carnaval di e anja aki.

Un di e candidatonan, Wagib Mu-yale di Caribe Club, a hala atras na ultima hora, asina cu a resta solamente tres, a saber esun ya menciona caba, Janny Hoevertz y su Pancho Dan'el Leo di Juventud Cristiaan y Eti Luidens di Jamanota Club.

E hurado cu tabata consisti di: C. Whitfield, L. de Palm y M. Reyes a hanja e trabau di husga riba actuacion di e candidatonan, nan speech y e reaccion di e publico riba e speechnan. Aplausonan no a falta pa parti di e publico, principalmente ora cu e candidato di La Fama, bistu cu un bril gigante a pronuncia su speech.

Nan actuacion a juda hopi na e decision di e hurado, cu a cai masha bon cerca e publico. E ceremonia nan tabata corto pero cu masha pep. Den persona di Ernesto Bareño acompaña pa su Pancho e Carnaval di e anja aki sigur lo hanja un bon direcion. E alegria cu cual e Prins nobo a worde ricibi den su club na Savaneta tabata inmenso. Felicitacion tabata bini di tur banda y e Prins a hanjele obliga di ripiti su speech cu algun minuut prome el a pronuncia den Strand Hotel.

Nos a logra pone man riba e escritura Real aki y aki bau nos ta laga Ernesto I. Prins di Carnaval 1961 na palabra:

AMI, PRINS NISS NURSE ERNESTO RABENO PRIMERO, PRINS DI LA FAMA Y DI CHANSERIA (ai no

chansa) **JOEL DI DRIKIEL DE GROOTSTE Y DI CAPRIOLA CHILALA, CHINEES DI BUGALAO, Y DI JENNY BAHALIECHIE FOTO LA CHU SIN SAUCE, CU OREA DI DI BLACHIE TUNA Y CABEINAN LARGO MANERA SRINGNAN, DI CITRIENCHIE, DUKE DI TUR LOCONAN PAFOR DI MONTE CRISTO, Y DI CARPATANAN TRAS DI OREA DI FIEDEL (wow, wow) CONSEHERO DI ES SABIONAN DI EERSTE KAMER DEN SPELONG DI WARIKIRIE, CARTURADOR DI ES CASCADI PINDA „SANTA MARIA” CUAL TA NAVEGANDO SIN RUMBO DEN ES ATMOSFERANAN DI SERO DI HOOIBERG, SPION DI LUMBA LIP DI TIRE, Y TRAIADOR DI SAKABOEBOE DEN TERCE GUERRA FRIEUW NA KAITIERIE, NA UNDA MI TAWATA COME SANKOCHIE DI TOTIEKIE STOKA, Y WAGALACHUJO CON PUERCO, BEBEDO DI WARAPA DI FOJO BERDE, Y BENEWA CARPATA CU JIUCE DI CLOROX ADEN, Y PASA BOCA CU IJSKRIEM DI MONDONGO DI CONCHINAN BON TEMPORA.**